

ხელშეკრულება სახელმწიფო შესყიდვების შესახებ N140/30

საქართველოს მთავრობის განკარგულებაში
გაერთიანებული სამხრეთის
პროექტების განყოფილება
3 05 17 140/30

ქ. თბილისი

3 მაისი, 2017 წელი

შემსყიდველი: ს.ს.ი.პ. „საქართველოს ეროვნული ბანკი“, აღმასრულებელი დირექტორის გიორგი მელაშვილის სახით;
მისამართი: თბილისი, 0114, სანაპიროს ქ. 2;
საიდენტიფიკაციო კოდი: 203 824 148.

მიმწოდებელი: შპს „ენ ჯი თი“ ჯგუფი, დირექტორის დავით ხოსიაშვილის სახით;
მისამართი: თბილისი, შარტავას ქ. N40; ტელ: 230 60 10
ელ. ფოსტა: info@next-gt.com
საიდენტიფიკაციო კოდი: 204524274;
საბანკო რეკვიზიტები: სს „თბილისი ბანკი“, კოდი: TBCBGE22, ა/ა: GE48TB1134936020100001

ერთის მხრივ შემსყიდველი და მეორეს მხრივ, მიმწოდებელი „სახელმწიფო შესყიდვების შესახებ“ კანონის და მიმწოდებლის სატენდერო წინადადების საფუძველზე, გამარტივებული ელექტრონული ტენდერის (სატენდერო განცხადება NAT170004097) ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულების საგანი

- 1.1. წინამდებარე ხელშეკრულების საგანს წარმოადგენს კომპანია Giesecke & Devrient GmbH -ის მიერ წარმოებული BPS-1080 და BPS M7 ბანკნოტების დამზარისხებელი და შესაფუთი მანქანებისათვის სახარჯი მასალების, კერძოდ: ბანკნოტების ნეკნების და კონების შესაფუთი (შემოსაკრავი) ლენტების და პოლიეთილენის თერმოკუმშვადი ფირების (შემდგომში „საქონელი“) შესყიდვა დანართი N1-ის და ხელშეკრულების პირობების შესაბამისად (CPV კოდი - 18937100).
- 1.2. დანართი N1 წარმოადგენს წინამდებარე ხელშეკრულების განუყოფელ ნაწილს.

2. ხელშეკრულების შესრულების კონტროლი

- 2.1. შემსყიდველი უფლებამოსილია ხელშეკრულების მოქმედების ნებისმიერ პერიოდის განმავლობაში განახორციელოს კონტროლი, რომლის მიზანია საქონლის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.
- 2.2. ხელშეკრულების 2.1 პუნქტით გათვალისწინებულ კონტროლს შემსყიდველის მხრიდან განახორციელებენ სეზ-ის შესყიდვების და ლოჯისტიკის დეპარტამენტის უფროსი და საკასო ოპერაციებისა და ნაღდი ფულის მიმოქცევის დეპარტამენტის უფროსი.
- 2.3. მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა და/ან უვარგისი საქონლის გამოცვლა.

3. საქონლის მიღება ჩაბარების წესი

- 3.1. მიმწოდებელმა საქონლის შემსყიდველისათვის მიწოდება უნდა განახორციელოს ერთიანად ან ეტაპობრივად, 120 (ას ოცი) დღის განმავლობაში ხელშეკრულების გაფორმებიდან, შემდეგ მისამართებზე: თბილისი, კახეთის გზატკეცილი N72.

- 3.2. საქონელი ან მისი ნაწილი ჩაითვლება მიღებულად მხოლოდ მხარეთა მიერ განსაზღვრული უფლებამოსილი პირების მიერ მიღება-ჩაბარების აქტის გაფორმების შემდეგ.
- 3.3. შემსყიდველის მხრიდან 3.2. პუნქტში აღნიშნული მიღება-ჩაბარების აქტის ხელმომწერი პირია სებ-ის შესყიდვების და ლოჯისტიკის დეპარტამენტის უფროსი.

4. ხელშეკრულების ფასი და ანგარიშსწორების წესი

- 4.1. წინამდებარე ხელშეკრულებით გათვალისწინებული საქონლის ფასები მოცემულია დანართში N1, რომელიც წარმოადგენს წინამდებარე ხელშეკრულების განუყოფელ ნაწილს.
- 4.2. წინამდებარე ხელშეკრულებით გათვალისწინებული საქონლის საერთო ღირებულება შეადგენს 116,600.00 (ას თექვსმეტი ათას ექვსასი) ლარს („ხელშეკრულების ფასი“).
- 4.3. ხელშეკრულების ფასი მოიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს.
- 4.4. მიწოდებული საქონლის ღირებულების გადახდა ხორციელდება უნაღდო ანგარიშსწორების წესით.
- 4.5. ანგარიშსწორება ხორციელდება წინამდებარე ხელშეკრულების 3.2 ქვეპუნქტის შესაბამისად საქონლის მიღებიდან და მიმწოდებლის მიერ სათანადო დოკუმენტაციის (საგადასახადო ა/ფაქტურა, ინვოისი) წარმოდგენიდან (იმისდამხედვეთ რომელი უფრო გვიან მოხდება) არაუმეტეს 10 (ათი) სამუშაო დღის განმავლობაში.
- 4.6. დასაშვებია ხელშეკრულების ფასის ნაწილის (არაუმეტეს 70%-სა) წინასწარ გადახდა, მიმწოდებლის მიერ საბანკო გარანტიის წარმოდგენის პირობით. საბანკო გარანტია უნდა იყოს გადასახდელი ავანსის ექვივალენტურ თანხაზე და მისი მოქმედების ვადა, სულ მცირე, 30 (ოცდაათი) დღით უნდა აღემატებოდეს შესყიდვის ობიექტის მიწოდების ბოლო ვადას.

5. მხარეთა უფლება-მოვალეობები

- 5.1. შემსყიდველს უფლება აქვს მიიღოს მიმწოდებლის მიერ ჯეროვნად, კეთილსინდისიერად, დათქმულ დროსა და ადგილას მიწოდებული შესყიდვის ობიექტი.
- 5.2. შემსყიდველი ვალდებულია გადაუხადოს მიმწოდებელს ფაქტიურად მიწოდებული საქონლის ღირებულება ხელშეკრულებით გათვალისწინებული პირობების შესაბამისად.
- 5.3. მიმწოდებელი ვალდებულია ჯეროვნად, კეთილსინდისიერად, დათქმულ დროსა და ადგილას მიაწოდოს შემსყიდველს ხელშეკრულებით გათვალისწინებული შესყიდვის ობიექტი.
- 5.4. მიმწოდებელს უფლება აქვს მიწოდებული საქონლის სანაცვლოდ მიიღოს მისი ღირებულება.

6. მხარეთა პასუხისმგებლობა ხელშეკრულების პირობების შეუსრულებლობისათვის

- 6.1. მიმწოდებლის მიერ ხელშეკრულებით ნაკისრი ვალდებულებების შეუსრულებლობის შემთხვევაში, შემსყიდველი უფლებამოსილია დააკისროს მას პირგასამტეხლო ხელშეკრულების ფასის 20%-ის ოდენობით.
- 6.2. მიმწოდებლის მიერ ხელშეკრულებით ნაკისრი ვალდებულებების არაჯეროვნად ან დაგვიანებით შესრულების შემთხვევაში, შემსყიდველი უფლებამოსილია დააკისროს მას პირგასამტეხლო შეუსრულებელი ვალდებულების 0,02%-ის ოდენობით, ვადაგადაცილების ყოველი დღისათვის. რომლის გადახდა მოხდება მისთვის ასანაზღაურებელი თანხიდან გამოქვითვის ან წინასწარი გადახდის საბანკო გარანტიის (ამგვარის არსებობის შემთხვევაში) ამოქმედების საშუალებით.
- 6.3. მიმწოდებლის მიერ ხელშეკრულების ნაწილობრივ შესრულების შემთხვევაში, შემსყიდველი უფლებამოსილია დააკისროს მას პირგასამტეხლო შესასრულებელი (დარჩენილი) ვალდებულების შესაბამისი ღირებულების 10%-ის ოდენობით.

- 6.4. გადახდის ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს პირგასამტეხლოს გადახდა ყოველ ვადაგადაცილებულ დღეზე გადასახდელი თანხის 0,02%-ის ოდენობით.
- 6.5. საჯარიმო სანქციების გადახდა არ ათავისუფლებს არცერთ მხარეს ძირითადი ვალდებულებების შესრულებისაგან.
- 6.6. იმ შემთხვევაში, თუ 6.2 პუნქტით გათვალისწინებული საჯარიმო სანქციების ჯამური ოდენობა შეადგენს ხელშეკრულების ფასის 1%-ს, შემსყიდველი უფლებამოსილია ცალმხრივად გაწყვიტოს ხელშეკრულება მეორე მხარის მიერ ვალდებულებების შეუსრულებლობის მოტივით. ამ შემთხვევაში გამოყენებული იქნება 6.1 ან 6.3 პუნქტით გათვალისწინებული სანქციები.

7. გარანტია

- 7.1. მიწოდებული საქონლის საგარანტიო პერიოდი შეადგენს 12 (თორმეტი) თვეს მიწოდების თარიღიდან. იმ შემთხვევაში, თუ საგარანტიო პერიოდის განმავლობაში აღმოჩნდება, რომ საქონელმა დაკარგა თავისი საექსპლუატაციო თვისებები (წებოვნება, ელასტიურობა ან სხვა), მიმწოდებელი ვალდებულია გამოცვალოს მთლიანი პარტია, ან დარჩენილი ნაწილი გონივრულ ვადაში, მაგრამ არაუმეტეს 60 (სამოცი) დღისა. საექსპლუატაციო ხარვეზის მქონე (გამოსაცვლელი) საქონელი დაუბრუნდება მიმწოდებელს ახლის მიწოდების შემდეგ;
- 7.2. ზემოთ აღნიშნული პირობების დარღვევის შემთხვევაში შემსყიდველი უფლებამოსილია გამოიყენოს მე-6 მუხლით გათვალისწინებული სანქციები.

8. ხელშეკრულებაში ცვლილების შეტანა და ხელშეკრულების შეწყვეტა

- 8.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.
- 8.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 8.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.
- 8.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.
- 8.5. მხარე ვალდებულია 8.4 პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.
- 8.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

9. დაუძლეველი ძალა

- 9.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

- 9.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;
- 9.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

10. დავები და მათი გადაწყვეტის წესი

- 10.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

11. ხელშეკრულების მოქმედების ვადა


- 11.1. ხელშეკრულება ძალაში შედის ხელმოწერის დღიდან და მოქმედებს 2017 წლის 31 დეკემბრის ჩათვლით, გარდა მე-6 და მე-7 მუხლებისა, რომლებიც ძალაშია საგარანტიო ვადის გასვლამდე.

12. ზოგადი დებულებები

- 12.1. არც ერთ მხარეს არა აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებანი გაასხვისოს ან გადასცეს მესამე პირებს.
- 12.2. მხარეები თანხმდებიან, რომ ის ურთიერთობანი, რომელიც არ იქნა რეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.
- 12.3. ხელშეკრულება შედგენილია ქართულ ენაზე, სამ თანაბარ იურიდიული ძალის მქონე ეგზემპლარად (ერთი ეგზემპლარი მიმწოდებელს, ორი ეგზემპლარი შემსყიდველს).

მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

შემსყიდველის მხრიდან:




გიორგი მელაშვილი

აღმასრულებელი დირექტორი

მიმწოდებლის მხრიდან:

დავით ხოსიაშვილი

დირექტორი



შესყიდვის ობიექტის ტექნიკური და ღირებულებითი პარამეტრები

1. შესასყიდა შემდეგი სახის და რაოდენობის საქონელი: სახარჯი მასალები კომპანია Giesecke & Devrient GmbH-ის მიერ წარმოებული BPS-1080 ტიპის ბანკნოტების დამზარისხებელი და შესაფუთი მანქანებისათვის, კერძოდ: ბანკნოტების ნეკნების და კონების შესაფუთი (შემოსაკრავი) ლენტები, ქვემოთ მოცემული ცხრილის შესაბამისად.


N	დასახელება, ძირითადი პარამეტრები, მოდელი/მარკა (არსებობის შემთხვევაში)	მწარმოებელი კომპანია, წარმოშობის ქვეყანა	რაოდენობა	ფასი (ლარი)	
				ერთ.	საერთო
1	ნეკნების შესაფუთი პოლიეთილენით დაფენილი ქაღალდის ლენტის რულონი (თეთრი): ა) ლენტის სიგანე- 40 მმ; ბ) ლენტის სიგრძე - არაუმეტეს 180 მ; გ) ლენტის სისქე - 80-90მკრ; დ) რულონის გარე დიამეტრი - არაუმეტეს 180მმ; ე) დასახვევი მუყაოს გილზის შიდა დიამეტრი: 75-76მმ; ვ) დასახვევი მუყაოს გილზის სისქე: 5მმ.	Lilie GmbH, გერმანია	1740	19.00	33,060.00
2	კონების შესაფუთი პოლიეთილენის ლენტის რულონი (გამჭვირვალე): ა) პოლიეთილენის ტიპი - დაბალი სიმკვრივის გამჭვირვალე ფირი სრიალა ზედაპირით (LDPE, F2-12); ბ) ლენტის სიგანე- 88 მმ; გ) ლენტის სიგრძე - არაუმეტეს 140მ; დ) ლენტის სისქე - 40 მკრ; ე) რულონის გარე დიამეტრი - არაუმეტეს 120მმ; ვ) დასახვევი გილზის შიდა დიამეტრი: 75-76მმ; ზ) დასახვევი გილზის სისქე - 5მმ	Lilie GmbH, გერმანია	500	36.58	18,290.00
3	პოლიეთილენის თერმოკუმშვადი ფირი ("D955 FCF 355X800 M025 C3P B1" ტიპის ეკვივალენტური): ფირის სიგანე - 355მმ; ფირის სიგრძე - 800მმ; პოლიეთილენის სისქე - 25 მკრ; რულონის შიდა დიამეტრი - 75-76მმ რულონის გარე დიამეტრი - არაუმეტეს 240მმ	Lilie GmbH, გერმანია	150	435.00	65,250.00
სულ:					116,600.00

2. მიწოდებული საქონლის ხარისხი უნდა აკმაყოფილებდეს საერთაშორისო სტანდარტებს.
მიწოდებული პასუხისმგებელია მიწოდებული საქონლის ხარისხზე;

შემსყიდველის მხრიდან:

გიორგი მელაშვილი


აღმასრულებელი



მიწოდებლის მხრიდან:

დავით ხოსიაშვილი

დირექტორი



Handwritten signatures and initials at the bottom of the page.

ხელწერილი ინტერესთა კონფლიქტის არარსებობის შესახებ

ქ. თბილისი

3 მაისი, 2017 წელი

„სახელმწიფო შესყიდვების შესახებ“ საქართველოს კანონის მე-8 მუხლის შესაბამისად, მე, ალექსანდრე ქოჩიაშვილი ხელის მოწერით ვადასტურებ, რომ სსიპ საქართველოს ეროვნული ბანკის მიერ ბანკნოტების ნეკნების და კონების შესაფუთი (შემოსაკრავი) ლენტეხის და პოლიეთილენის თერმოკუმშვადი ფირების შესყიდვის მიზნით 2017 წლის 12 აპრილს გამოცხადებულ NAT170004097 გამარტივებულ ელექტრონულ ტენდერში მონაწილე პრეტენდენტ შპს „ენ ჯი თი ჯგუფის“ მიმართებაში, არ გამაჩნია ინტერესთა კონფლიქტი.

ალექსანდრე ქოჩიაშვილი



საკასო ოპერაციებისა და ნაღდი ფულის მიმოქცევის
დეპარტამენტის უფროსი